

肉

卷

別

藏

江蘇古籍出版社


四書傳問

讀中庸叢說

論語語義說

四書待問

江蘇古籍出版社



序

四書有疑朱門師友辯之詳矣而散出於其所
自為書觀者難於歷攬從未有集之者天朝取
士以經疑為試藝之首蓋欲吾黨之士彊勉學
問以求聖賢立言之微意而或者昧焉若大學
道字訓言而以為道理之道性善賢愚同得而
謂愚者得其偏博文約禮重在行而曰主於知
詳說反說專言知而曰主於行亦既得焉鄉闈
策名天府矣則眇迺眇之故也比客建城與友
人歐陽養正讀書之次隨時采集因成是編述

先儒之遺言緒論及時文之不倍師說者間亦附以一二鄙語及養正所述則以薈蕞自脩別之凡五百四十問七百一十七則以經之篇章為之次目曰四書待問非敢擬諸如撞鐘者以是待有司之問焉則庶幾其應不匱比類而求之則凡經之所疑皆可旁通而盡得之耳是書之集本為舉子觀攬之便然由是而得其義則於窮理盡性之功為尤大而於進取又其餘事矣

泰定甲子日南至臨江蕭鎰李南金甫書

蒼叢叢述序

異時經義聲律之學之盛凡一題之出一卷之入則主司舉子將相與角其藝於拔新領異之域彼以難窮人此以巧應敵日長月盛顧亦安所底止哉一變而閣束者四十年亦其勢之所必至者也晦翁固言之矣嗟乎自表章之

詔下而四書之天定矣自吾幼時亦惟聲律是習方其汲汲於斯也日不暇給於四書乎何有當是時爲子弟而十五六之間弗此之成也則父兄歛焉朋友弗齒之矣此豈有四書歲月哉

余於是愧焉多矣今余以場屋陳人微倖昔者之一試而得與渝之士遊也亦天也爲妍爲傑往往於季課間得之如月西蕭君南金蓋妍傑之疊見者也及盡觀其平日所爲經疑類皆簡明峻潔本乎朱說而以己意貫之蓋邃於四書者也而他文稱是其用心亦勤矣且吾聞君甲寅賓興之初嘗貢于鄉既而以漏字黜識者憾焉君獨益自厲弗替嗟乎月西吾何足以知君吾所知者有四書之天在延祐丁巳中秋前三日長沙季存謹書

蒼叢續抄序

余在渝蓋嘗讀月西之文而寄吾意於編末矣
又三年月西書來長沙復徵余叙言其續藁嗟
乎月西其以余真足以知君哉自聖門稱顏子
問寡問不能而後世之學者知義理真無窮物
我真無間而爲學之律令格例始定此其爲百
世之師也月西其聞風而興者歟吾愧君多矣
淮陰侯功蓋一世而北面師其人此亦人道之
常顧今人弗能耳吾何敢以爲月西多自吾少
時嘗有志于上下四方弱冠之際先老猶多在

而荏苒歲華怵惕世故自墮其身於空荒晦靄
之域以至此幽閒無聊薜苔可者一笑則撫髀
浩歌擊壺欲缺反成狂疾亦徒爲旁觀怪驚而
已吾知月西善學不以功名有無動其心惟知
天理之當盡吾知月西真能學顏子之學而爲
僕者當虎帥以聽吾知月西用意千載之上而
□□□□□□□□者不足貴月西之文固
當自有知者余之卷卷斯言所以表君意之古
而凡學者當如是也至治新元上巳邵陵冷掾
季存謹書

新編四書待問目錄

後學臨江蕭鎰編

第一卷

凡二十五問三十三則

四書互義

第二卷

凡二十五問三十六則

四書互義

第三卷

凡二十二問二十八則

四書互義

第四卷

凡二十六問三十三則

四書互義

第五卷

凡二十七問三十八則

四書互義

第六卷

凡二十九問三十六則

論語

學而
為政

第七卷

凡二十五問三十六則

論語

八佾
里仁

第八卷

凡三十一問四十二則

論語

公冶長
雍也

第九卷

凡二十三問三十二則

論語

述而
泰伯

第十卷

凡三十二問四十二則

論語

子罕先進

鄉黨顏淵

第十一卷

凡二十八問三十七則

論語

子路衛靈公上

憲問

第十二卷

凡二十六問三十九則

論語

衛靈公下

季氏子張

陽貨堯曰

第十三卷

凡十六問二十一則

大學

經

第十四卷

凡二十三問二十七則

大學

傳

第十五卷

凡二十七問三十四則

中庸

首章至十九章

第十六卷

凡二十六問三十七則

中庸

二十章至卒章

第十七卷

凡三十一問三十九則

孟子

梁惠王上上 梁惠王下 公孫丑上上之

第十八卷

凡二十五問三十七則

孟子

公孫丑上上之 滕文公上上之

公孫丑下

第十九卷

凡二十二問三十則

孟子

滕文公上之下 離婁上

滕文公下 離婁下之上

第二十卷

凡二十三問二十七則

孟子

離婁下之下

萬章上

第二十一卷

凡一十七問二十四則

孟子

告子上

第二十二卷

凡二十九問三十三則

孟子

盡心上

新編四書待問目錄

新編四書待問卷之一

後學臨江蕭鎰編

四書互義

孔子專言仁孟子兼言仁義

仁統四端故孔門止言仁至孟子時人於性分不明故須分別言之對分之則曰仁義四分之則曰仁義禮智仁仁也而禮則仁之著義義也而智則義之藏對分之則象陰陽四分之則象春夏秋冬春夏陽之屬也秋冬陰之屬也易曰立天之道曰陰與陽立地之道曰柔與剛立人之道曰仁與義天地之道有一必有兩不兩則不能以立故端雖有四而立之者則兩耳會而一之則仁統四端一元之氣統陰陽其實一理也

孔子專言仁孟子兼言仁義禮智

性是大極渾然之全體初不可以名字言之但其該具衆理而其理之大者則曰仁義禮智若偏言之則仁自仁義自義禮智自禮智若專言之則仁者天地生物之心人得之最先而兼統四者所謂元者善之長也孔門未嘗備言孟子始備言之蓋孔子時性善之理猶明雖不詳著其條而其理自具至孟子時異端並起人多不知性之本善故不得不著明之而四端之說於是而立是故惻隱之心仁也羞惡之心義也恭敬之心禮也是非之心智也仁貫通乎四者之中是故仁者仁之本體也義者仁之斷制也禮者仁之節文也智者仁之分別也猶四時雖不同而同出乎春春則春之生也夏則春之長也秋則春之成也冬則春之藏也自四而兩自兩而一則統之有宗會之有元矣故曰五行一陰陽也陰陽一太極也然則孔子之言仁元氣之渾論也孟子兼言仁義禮智

其无氣之爲陰陽四時也與

論語不言春秋孟子不言易

論語立論謹嚴處無非春秋孟子知時變通處無非易

論語言性不及命言命不及性孟子兼言性命論語言仁不及義言義不及仁孟子兼言仁義

性命仁義若分言之則性自性命自命仁自仁義自義若合言之則人得於天者即天之所賦者也仁者義之體義則仁之用也孔子之時人心未離義理猶明故舉此則彼之理具言彼則此之義存至孟子時人心昏惑故言性而不及命則不知有分限之不踰言命而不及性則不知有義理之當盡言仁而不及義則過於愛而無斷制言義而不及仁則傷於忍而無惻隱故必對舉而兼言之也

論語不言誠大學中庸孟子言誠

論語止言忠信不言誠至曾子子思孟子始言誠程子於主

忠信章乃合忠信與誠並言之蓋誠指全體而言忠信指用力處而言盡得忠與信即是誠故孔子雖不言誠但欲人於忠信上着力忠信無不盡則誠在其中矣孔子教人大抵只就行處說行到盡處自然識得本原三子則併本原發以示人其義一也

論語中庸孟子言中大學不言中

善即是中其曰至善則中庸至矣之謂也其曰止於至善則時中之謂也其曰知止則擇乎中庸之謂也其曰能得則得善服膺之謂也明明德而止於至善則執中之謂也新民而止於至善則用中之謂也至善者事理當然之極故善即是中或問言求必至是不容少有過不及之差是矣

大學言心不言性中庸言性不言心

大學脩己治人之道兼以其事言之故專言心中庸明善誠身之本直以其理言之故事言性程子曰心也性也一理也